

Tilfni: Mál nr. 142/2020. Umsögn um breytingar á lögum um kynrænt sjálfræði (aldursskráning).

Trans Ísland var stofnað árið 2007 hefur staðið vörð um réttindi trans fólks í hvívetna, bæði í félagslegum sem og lagalegum skilningi. Félagið spilaði lykilhlutverk við gerð fyrri laga er snéru að réttindum trans fólks, þ.e. lög um réttindi einstaklinga með kynáttunarfanda 57/2012 sem hafa nú fallið úr gildi, og einnig í nýjum lögum um kynrænt sjálfræði 80/2019, en frumvarpshópurinn var að stóru leyti leiddur af grasrótar hreyfingum hinsegin samfélagsins.

Félagið fagnar niðurstöðu nefndar um að færa aldurstakmark til að breyta nafni og kyni í Þjóðskrá niður í 15 ár og telja það vera mikilvægt skref í að tryggja ungmennum aukin réttindi í samræmi við þroska þeirra. Niðurstöður nefndar eru í samræmi við niðurstöður upprunalega frumvarpshópsins sem vann frumvarpið og lagði það fram, en þessi tiltekna grein var í samstarfi við Umboðsmann barna og var reynsla trans ungmenna þar í forgrunni.

Trans ungmenni hafa nú tækifæri á því að stíga fram sem þau sjálf fyrr en áður af sökum opinnar umræðu og opnara samfélags og er stór hluti af því að fá að vera þú sjálft að vera viðurkennt í lagalegum skilningi. Trans ungmenni koma mörg hver út áður en þau byrja á kynþroska og þurfa því oft að lifa til lengri tíma með nafn og kyn sem passar ekki kynvitund eða kyntjáningu þeirra, sérstaklega ef þau njóta ekki stuðnings forsjáraðila. Með því að gefa ungmennum það vald að geta ráðið eigin kynskráningu og nafni í Þjóðskrá við 15 ára aldur hafa ungmenni tækifæri á því að breyta því áður en þau byrja í framhaldsskóla, sem markar oft mikilvægt skref í félagslífi ungmenna. Trans Ísland telur þetta því mjög tímabært og mikilvægt skref sem veitir trans ungmennum tækifæri á að vera þau sjálf, í orði og á borði.

Trans Ísland styður einnig tillögu nefndar um að breytingar á nafni og kynskráningu ungmenna undir 18 ára verði ekki háð takmörkunum 7. grein lagana, enda er mikilvægt að auðvelt sé að breyta aftur og til að tryggja að þær séu fyllilega afturkræfar.

F. h. Trans Íslands, félags trans fólks á Íslandi
Ugla Stefanía Kristjónudóttir Jónsdóttir,
Formaður

